

最老友!

Color 既 friend 全星级

快乐时光过得特别快,话咁快,就嚟到今年最后一期《可乐生活》。嚟今年,越来越多大湾区明星、艺人参与到我哋嘅主题活动中,成为“Color 既 friend”,嚟 Color 大本营打卡、同粉丝互动、给大家送福利……为咗感谢佢哋嘅付出,呢个 moment,可乐君诚意为大家颁发以下奖项。

郭玮/文 Color 团队/图



最有Power: Supper Moment



最“劳模”: 胡鸿钧

要数最老友,今年可报出镜率咁高嘅胡鸿钧(熊君),必须有名字。从成为690期嘅 cover star 开始,“熊君”成日嚟探班,参与到 Color 既好多个栏目中,拍摄《UP 在湾区·港见粤闻》,到省内各地玩转“非遗”;嚟连羊城创意产业园,献技“健康广州”活动,加盟《粤语课堂》教大家讲粤语;仲有重走南石头工业印记等。每逢过节,佢仲贴心送福利:七夕送花糕粉丝、生日唱歌表祝福、中秋节静鸡鸡埋礼物!近来一直忙于举办内地巡回音乐会嘅佢,对 Color 既多次邀请都有求必应、从唔会托手咁,简直就系 Color 团队“编外成员”,最强“劳模”一定係佢啦。

今年,Color 有好多快乐 moment 都係同“Supper 四子”一起度过嘅! 开 show 现场,佢哋 power 十足,感染力非凡;游山玩水,佢哋识饮识食,仲抓住机遇学唱山歌;发放正能量,佢哋创作回归歌《共创新篇》……工作嗰阵,Supper Moment 好认真,为大家传递“精神食粮”;贪玩嗰阵,佢哋又会展露孩子气嘅一面,做大家嘅“开心果”。Supper Moment 用自己嘅歌声、作品,给我们传递满满的正能量。



最精叻: 朱主爱

身为创作歌手嘅“小草”朱主爱,因为工作关系,从马来西亚嚟咗广州,喺远离家乡嘅地方独自生活几年,佢已经 get 到咗好多新技能。创作上,小草将成长经历写入作品;生活上,佢适应咗地道市井嘅生活气息,“粤”住“粤”有味,仲教大家煮美味家乡菜;讲学嘢,佢大胆尝试,联手可报君做埋粤语课堂“导师”! 全面发展嘅小草,不断展现自己嘅多才多艺,拓展自己更多嘅可能性。



最甜蜜: 糖妹



可爱嘅糖妹同 Color 早就结下过深厚嘅缘分,今年,在可报君诚意邀请下,老友记糖妹先係去到佛山体验非遗手工艺——石湾陶塑,品尝传承百载嘅“太史菜”;之后又担任“玩乐体验官”,重游我哋曾经分享过嘅吃喝玩乐好推介。顶住近 40 度嘅烈日高温,糖妹依然热情投入各种新奇趣怪嘅玩乐计划:做一日咖啡拉花师、学习趣味手工艺 tufting、打卡特色社区影相……甜到漏嘅微笑打散咗炎热嘅气温,大片定格佢每个开心瞬间,同 Color 一样,糖妹想将自己嘅开心传递俾每一位读者,名副其实甜到漏嘅“糖”啊。



最暖心: 曾比特

《初恋》係 Mike 喺今年夏天嘅爆红标签,爆炸头则係佢让人深深记住嘅特色标志。致力于将开心传递俾身边每一个人嘅佢,係个钟情 old school 嘅潮人。参加综艺,佢佢识到好多志同道合嘅前辈;同可报君去拍“非遗”,感受传统手工艺嘅同时仲食到好嘢;520 表白日嘅时候,佢更变成 Color 全部 fans 嘅“初恋”,对住大家比爱心,甜度爆棚、爱意满满。

香港人在北京

最合拍!

超有睇头嘅新港剧

近几年,好多香港与内地联合拍剧,出品都相当唔错! 香港实力派艺人嘅港味演技,加上内地丰富资源与多元平台,令到呢啲作品既有港产片风味,又融入咗好多具有内地文化嘅特色元素,令佢哋受众更广,更迎合依家多元发展嘅市场。今年年中,一批香港艺人组团到内地,参与拍摄多部电视剧,一起睇 look look 佢哋究竟有咩睇头啦!

郭玮/文 官方海报、剧照/图



夜色中的“美丽战场”

上世纪八九十年代嘅香港,每逢华灯初上,后生仔女便开纸醉金迷嘅夜生活。《一舞倾城》讲述一班来自唔同阶层嘅女仔,喺灯红酒绿嘅夜店成为好姊妹,当佢哋之间产生名、利、爱、恨嘅冲突,由情同姐妹变成各怀鬼胎。该剧是由姚子羚、蔡洁、陈法蓉等人主演,姚子羚最近于内地发力参演多部合拍剧,蔡洁在《法证先锋5》中饰演法医令人印象深刻,至于久未露面嘅陈法蓉,大家都好期待佢在演技上嘅新突破。呢部新剧被誉咗为港版《华灯初上》,睇剧照仲有一种《我和春天有个约会》嘅味道,又似係另一个勾心斗角嘅“美丽战场”即将开启,你期唔期待咧?



二搭 CP 断奇案

当年,由张达明主演嘅探案电视剧《状王宋世杰》风靡一时,如今为致敬经典,佢再次出山,监制并参演新剧《状王之王》。呢部剧讲嘅係状师宋世杰同朋友,组建咗警恶惩奸小分队,断破一宗宗奇案、冤案嘅故事。办案过程中,人性嘅善善恶恶暴露无遗,而宋世杰嘅正义感亦逐渐被激发。幽灵新娘、蜘蛛精杀人、灭门纵火等单元名,骇人听闻但同时勾起观众嘅好奇心,团队耗时多月于横店影视城取景拍摄,相信质感唔会差。姚子羚继《好心作怪》后,二搭王浩信再做 CP,仲有林子聪、金刚等搞笑能手参演,陈浩民客串,从演员阵容睇睇已经非常吸引,加上清装破案题材嘅电视剧,本身就易吸引观众,值得大家期待下。



港人演绎港味烟火

《香港人在北京》由歌手吴若希,首次担纲电视剧女一,搭档“视帝”大热人选陈展鹏,辗转宁波、北京、香港三地,演绎港人北上打拼嘅一些事、一些情。嚟香港已经事业打理到风生水起嘅男主角,被派遣到北京驻点,带埋太太北漂嘅佢一心谗住北上叹世界,点知不断被现实击倒。秉承港人“打不死”嘅拼搏精神,男女主角单止结识咗志同道合嘅伙伴,更一起重新振作、不断拼搏,终于又再闯出一片新天地。呢部剧集齐集香港新旧两代演员,青春无敌嘅新人养眼又吸睛,演技过人嘅资深派实力够杀,仲有梁汉文、麦长青等前辈加盟。强大阵容加上贴近生活嘅题材,由香港人本色演出嘅《香港人在北京》,定能还原出正宗港剧嘅烟火气。

